

গণপ্রজাতন্ত্রী বাংলাদেশ সরকার
মহিলা ও শিশু বিষয়ক মন্ত্রণালয়
বাংলাদেশ সচিবালয়, ঢাকা।


বিষয়	: জাতীয় ইসিসিডি (Early Childhood Care and Development) সমন্বয় কমিটির ২য় সভার কার্যবিবরণীঃ-
স্থান	: সভাকক্ষ, বাংলাদেশ শিশু একাডেমি, ঢাকা।
তারিখ	: ১৭ জানুয়ারি, ২০২১।
সময়	: সকাল ১১:০০ ঘটিকা।
সভাপতি	: জনাব ফজিলাতুন নেসা ইন্দিরা এমপি, মাননীয় প্রতিমন্ত্রী, মহিলা ও শিশু বিষয়ক মন্ত্রণালয়।
অংশগ্রহণকারীবৃন্দের তালিকা	: সংযোজনী- “ক”

সভার শুরুতে সভাপতির অনুমতিক্রমে সিনিয়র সচিব, মহিলা ও শিশু বিষয়ক মন্ত্রণালয় উপস্থিত সকলকে স্বাগত জানিয়ে করোনা মহামারিসহ নানাবিধ কারণে শিশুর প্রারম্ভিক যত্ন ও বিকাশ (ইসিসিডি) বিষয়ক জাতীয় সমন্বয় কমিটির গুরুত্বপূর্ণ সভা দীর্ঘদিন অনুষ্ঠিত হয়নি, তবে পরবর্তীতে তা নিয়মিত অনুষ্ঠানের প্রয়োজনীয় পদক্ষেপ গ্রহণের বিষয়ে মন্ত্রণালয়ের সংশ্লিষ্ট শাখাকে নির্দেশনা প্রদান করা হয়। অতঃপর এজেন্ডা ভিত্তিক কার্যপত্র উপস্থাপনার জন্য মহিলা ও শিশু বিষয়ক মন্ত্রণালয়ের যুগ্মসচিব (শিশু ও সমন্বয়)কে সিনিয়র সচিব অনুরোধ জানান।

০২। মহিলা ও শিশু বিষয়ক মন্ত্রণালয়ের যুগ্মসচিব (শিশু ও সমন্বয়) সভাকে অবহিত করেন যে, অনুমোদিত শিশুর প্রারম্ভিক যত্ন ও বিকাশের সমন্বিত (ইসিসিডি) নীতির ১০.১.১ এবং ১২.২ নং আলোকে মহিলা ও শিশু বিষয়ক মন্ত্রণালয়ের দায়িত্বপ্রাপ্ত মাননীয় প্রতিমন্ত্রীর নেতৃত্বে একটি জাতীয় ইসিসিডি সমন্বয় কমিটি গঠন করে বিগত ০৮/০১/২০১৭ তারিখ মহিলা ও শিশু বিষয়ক মন্ত্রণালয় প্রজ্ঞাপন জারি করা হয়েছে। মন্ত্রণালয় কর্তৃক গঠিত জাতীয় ইসিসিডি সমন্বয় কমিটির ১ম সভা গত ০৬ এপ্রিল ২০১৭ তারিখ অনুষ্ঠিত হয়েছে। আজকে অনুষ্ঠিত ২য় সভায় গত সভায় গৃহীত সিদ্ধান্তের অগ্রগতি পর্যালোচনা এবং পরবর্তী করণীয় সম্পর্কে আলোচনা ও সিদ্ধান্ত গ্রহণ করা যেতে পারে। ১ম সভার সিদ্ধান্ত বাস্তবায়ন অগ্রগতি পর্যালোচনার পূর্বে ইসিসিডি বিষয়ে বাংলাদেশ সরকারের বাস্তবায়িত ও বাস্তবায়নাধীন কার্যাদির উপর উপস্থাপনা করার জন্য শিশুর বিকাশে প্রারম্ভিক শিক্ষা (৩য় পর্যায়) প্রকল্পের ইসিডি স্পেশালিস্টকে যুগ্মসচিব (শিশু ও সমন্বয়) অনুরোধ জানান। এপ্রেক্ষিতে শিশুর বিকাশে প্রারম্ভিক শিক্ষা (৩য় পর্যায়) প্রকল্পের ইসিডি স্পেশালিস্ট একটি Power Point উপস্থাপনা করেন। মহিলা ও শিশু বিষয়ক মন্ত্রণালয়ের মাননীয় প্রতিমন্ত্রীর দায়িত্ব গ্রহণের পর থেকে ইসিসিডি বিষয়ে নেয়া নানান উদ্যোগসহ দেশীয় ও আন্তর্জাতিক ইসিসিডি সম্মেলনে মাননীয় প্রতিমন্ত্রীর অংশগ্রহণের তথ্যাদি এবং বাংলাদেশ শিশু একাডেমি কর্তৃক বাস্তবায়নাধীন শিশুর বিকাশে প্রারম্ভিক শিক্ষা প্রকল্পের বিভিন্ন পর্যায়ে অর্জিত সাফল্যের বিষয়াদি সংক্ষিপ্তাকারে Power Point উপস্থাপনায় তুলে ধরা হয়।

০৩। Power Point উপস্থাপনার পর মহিলা ও শিশু বিষয়ক মন্ত্রণালয়ের যুগ্মসচিব (শিশু ও সমন্বয়) ১ম সভার সিদ্ধান্ত বাস্তবায়ন অগ্রগতি তুলে ধরেন। যুগ্মসচিব (শিশু ও সমন্বয়) ১ম সভার সিদ্ধান্ত বাস্তবায়ন অগ্রগতি সভাকে অবহিত করার পর সভায় উপস্থিত সদস্যবৃন্দকে আলোচনার জন্য আহ্বান জানানো হয়। সভায় উপস্থিত বাংলাদেশ ইসিডি নেটওয়ার্ক (বেন), মহিলা ও শিশু বিষয়ক মন্ত্রণালয়, খাদ্য মন্ত্রণালয়, তথ্য মন্ত্রণালয়, সমাজকল্যাণ মন্ত্রণালয়, স্থানীয় সরকার বিভাগ, অর্থ বিভাগ, মহিলা বিষয়ক অধিদপ্তর, জাতীয় মহিলা সংস্থা এবং ইউনিসেফ-এর প্রতিনিধিবৃন্দ ইসিসিডি বিষয়ে স্বীয় মন্ত্রণালয়/বিভাগ/অধিদপ্তর/সংস্থার গৃহীত কার্যক্রমসহ ইসিসিডি বিষয়ে মতামত তুলে ধরেন।

০৪। মহিলা ও শিশু বিষয়ক মন্ত্রণালয়ের সিনিয়র সচিব ইসিসিডি বিষয়ে মন্ত্রণালয়ের উদ্যোগসমূহ উল্লেখ করে সংশ্লিষ্ট মন্ত্রণালয়ের ইসিসিডি বিষয়ক কার্যাদির সমন্বয়ের প্রতি গুরুত্বারোপ করেন। ইসিসিডি কার্যক্রম গ্রহণে যেন Overleap না হয় সে দিকে লক্ষ্য রেখে কার্যক্রমের সুষ্ঠু বাস্তবায়নে সচেষ্ট থাকার জন্য সভায় উপস্থিত বিভিন্ন মন্ত্রণালয়ের প্রতিনিধিদের সিনিয়র সচিব অনুরোধ জানান। তিনি শিশুর প্রথম ১০০০ দিনকে ফোকাস করে ইতোমধ্যে প্রণীত প্রকল্পসহ ইসিসিডি বিষয়ক Integrated প্রকল্প প্রণয়ন, Good Parenting, ইসিসিডি বিষয়ে প্রচার প্রচারণা বৃদ্ধি এবং ইসিসিডি বিষয়ক জাতীয় ও জেলা পর্যায়ে গঠিত কমিটিসমূহকে সচল করার কার্যক্রম গ্রহণে সচেষ্ট হওয়ার জন্য সংশ্লিষ্ট সকলের সহযোগিতা কামনা করেন।



০৫। সভাপতি উপস্থিত সবাইকে স্বাধীনতার সুবর্ণ জয়ন্তীর শুভেচ্ছা জানিয়ে বলেন যে, শিশুর প্রারম্ভিক যত্ন ও বিকাশের সমন্বিত (ইসিসিডি) নীতি ২০১৩-এর যথাযথ বাস্তবায়নে সম্মিলিতভাবে কাজ করতে পারলেই সফলতা আসবে। কেননা একেক মন্ত্রণালয় একেক issue নিয়ে কাজ করে থাকে। ফলে প্রয়োজন কাজের মধ্যে সমন্বয়, সহযোগিতা আর লিয়াজো জোরদার করা। ইসিসিডি বিষয়ে গবেষণা, চলমান কার্যাদির যথাযথ পরিবীক্ষণ, মূল্যায়ন এবং ফলোআপ করার প্রতি সভাপতি গুরুত্বারোপ করেন। তিনি ইসিসিডি নীতি সংশ্লিষ্ট মন্ত্রণালয়/বিভাগসমূহে নিদিষ্ট ফোকাল ডেস্ক স্থাপনসহ ইসিসিডি কমিটির কার্যক্রমে গতিশীলতা বৃদ্ধি এবং কমিটিগুলোতে কমিউনিটির সম্পৃক্ততা বাড়ানোর নির্দেশনা প্রদান করেন।

০৬। সভায় সমন্বিত ইসিসিডি নীতি বাস্তবায়নে প্রতিবন্ধকতা চিহ্নিত করাসহ উত্তরণের উপায় জানার নিমিত্ত Rapid Assessment করা, পরিবারে করোনার প্রভাব নিরূপণে স্টাডি পরিচালনা, জাতীয় মহিলা ও শিশু উন্নয়ন পরিষদ (NCWCD)-এর সভায় নিয়মিত ইসিসিডি সংশ্লিষ্ট বিষয়াদি এজেন্ডাভুক্ত করার প্রয়োজনীয় পদক্ষেপ গ্রহণ, ইসিসিডি বিষয়ক কার্যাদির অগ্রাধিকার নির্ণয়সহ কার্যক্রমের অগ্রগতি নিরূপণে M & E এর ব্যবস্থাকরণ, ইসিসিডি বিষয়ক নেটওয়ার্কিং, ম্যাপিং, গ্যাপিং ইত্যাদি খুঁজে বের করা, শিশুর প্রারম্ভিক বিকাশে সচেতনতা বৃদ্ধির লক্ষ্যে গণমাধ্যমকে সম্পৃক্তকরণ, মহিলা ও শিশু বিষয়ক মন্ত্রণালয় এবং বাংলাদেশ শিশু একাডেমিতে ECD Unit স্থাপন ও প্রস্তাবিত ইউনিটসমূহকে সচল রাখা, ইসিসিডি বিষয়ক Costed Action Plan প্রণয়ন এবং স্বাধীনতার সুবর্ণ জয়ন্তী বছরে ইসিসিডি বিষয়ক সমন্বিত কার্যাদির সূচনামূলক উদ্যোগ গ্রহণের বিষয়ে আলোকপাত এবং বিস্তারিত আলোচনা হয়।

০৭। বিস্তারিত আলোচনান্তে সভায় নিম্নোক্ত সিদ্ধান্তসমূহ গৃহীত হয়:

ক্রমিক	আলোচ্যসূচি	আলোচনা	সিদ্ধান্ত	বাস্তবায়নকারী
৭.১	জাতীয় ইসিসিডি সমন্বয় কমিটির গত ০৬-০৪-২০১৭ তারিখে অনুষ্ঠিত ১ম সভার কার্যবিবরণী দৃষ্টিকরণ।	জাতীয় ইসিসিডি সমন্বয় কমিটির গত ০৬-০৪-২০১৭ তারিখে অনুষ্ঠিত ১ম সভার কার্যবিবরণীতে কোন সংশোধনী আসেনি।	জাতীয় ইসিসিডি সমন্বয় কমিটির গত ০৬-০৪-২০১৭ তারিখে অনুষ্ঠিত ১ম সভার কার্যবিবরণী সভায় দৃষ্টিকরণ করা হয়।	মহিলা ও শিশু বিষয়ক মন্ত্রণালয়
৭.২	জাতীয় ইসিসিডি সমন্বয় কমিটির ১ম সভায় গৃহীত সিদ্ধান্তের অগ্রগতি পর্যালোচনা এবং পরবর্তী করণীয় সম্পর্কে আলোচনা ও সিদ্ধান্ত গ্রহণ।	(i) ১ম সভার ১৫.১ নং সিদ্ধান্তের আলোকে জাতীয় ইসিসিডি সমন্বয় কমিটির সদস্য সচিব হিসেবে মহিলা ও শিশু বিষয়ক মন্ত্রণালয়ের অতিরিক্ত সচিব (শিশু ও সমন্বয়)/যুগ্মসচিব (শিশু ও সমন্বয়) শব্দগুচ্ছ যুক্ত করা হয়েছে। ১৫.২ নং সিদ্ধান্তের আলোকে স্বরাষ্ট্র মন্ত্রণালয়ের জননিরাপত্তা বিভাগ, স্বাস্থ্য ও পরিবার কল্যাণ মন্ত্রণালয়ের স্বাস্থ্য ও সেবা বিভাগ, স্বাস্থ্য শিক্ষা ও পরিবার কল্যাণ বিভাগ এবং শিক্ষা মন্ত্রণালয়ের কারিগরি ও মাদ্রাসা শিক্ষা বিভাগকে জাতীয় ইসিসিডি সমন্বয় কমিটির সদস্য হিসেবে কো-অপট করা হয়েছে। ১৫.৩ নং সিদ্ধান্তের আলোকে জাতীয় ইসিসিডি সমন্বয় কমিটির কর্ম-পরিধির ১নং ক্রমিকের বিষয়টির পরিবর্তে "জাতীয় নারী ও শিশু উন্নয়ন পরিষদ (NCWCD)-এর সভায় নিয়মিত ইসিসিডি সংশ্লিষ্ট বিষয়াদি এজেন্ডাভুক্ত করার প্রয়োজনীয় পদক্ষেপ গ্রহণ করা" বাক্যটি প্রতিস্থাপন করা হয়েছে।	(i) বাস্তবায়িত	(i) শিপ্রায় শাখা, মশিবিম

Signature

ক্রমিক	আলোচ্যসূচী	আলোচনা	সিদ্ধান্ত	বাস্তবায়নকারী
		<p>(ii) সিদ্ধান্ত নং ১৫.৪ এর আলোকে একটি জাতীয় ইসিসিডি কারিগরি কমিটি গঠনের নিমিত্ত মহিলা ও শিশু বিষয়ক মন্ত্রণালয়ের তৎকালীন অতিরিক্ত সচিব (শিশু ও সমন্বয়)-কে আহ্বায়ক করে ৫ (পাঁচ) সদস্য বিশিষ্ট একটি সার্চ কমিটি গঠন করা হয়। সার্চ কমিটির সদস্যবৃন্দ বিভিন্ন সভায় মিলিত হয়ে ইসিসিডি বিষয়ে বিশেষজ্ঞ, ইসিসিডি প্র্যাকটিশনার, ইসিসিডি বিষয়ে গবেষণা রয়েছে এমন ব্যক্তিদের সমন্বয়ে জাতীয় ইসিসিডি কারিগরি কমিটির রূপরেখা প্রণয়নপূর্বক মহিলা ও শিশু বিষয়ক মন্ত্রণালয়ে জমা প্রদান করে। সার্চ কমিটি কর্তৃক প্রণীত রূপরেখা এবং সমন্বিত ইসিসিডি নীতির বাস্তবায়ন কৌশল অংশের ১২.৩ ক্রমিকের আলোকে মহিলা ও শিশু বিষয়ক মন্ত্রণালয়ের সচিবকে সভাপতি করে ইসিসিডি বিষয়ে মন্ত্রণালয়কে কারিগরি পরামর্শ দেয়ার জন্য একটি জাতীয় ইসিসিডি কারিগরি কমিটি গঠন করে ১৫/০৫/২০১৮ তারিখে প্রজ্ঞাপন জারি করা হয়। উল্লেখ্য যে, ইতোমধ্যে জাতীয় ইসিসিডি কারিগরি কমিটির ৩টি সভা অনুষ্ঠিত হয়েছে।</p>	(ii) বাস্তবায়িত	(ii) শিশুশিক্ষা শাখা, মশিবিম
		<p>(iii) ১৫.৫ এবং ১৫.৬ নং সিদ্ধান্তের আলোকে জানানো হয় যে, মহিলা ও শিশু বিষয়ক মন্ত্রণালয়ের শিশু অনুবিভাগের আওতায় শিশুর প্রারম্ভিক যত্ন (শিশুশিক্ষা) শাখার মাধ্যমে ইসিসিডি বিষয়ক কার্যক্রম সমন্বয়সহ নীতির সফল বাস্তবায়নের নিমিত্ত কার্যাদি সম্পন্ন করা হচ্ছে। শিশুশিক্ষা শাখার প্রয়োজনীয় জনবল, জনবলের বসার ব্যবস্থা ইত্যাদি বিষয়ে প্রশাসন অনুবিভাগ, শিশু অনুবিভাগ এবং বাংলাদেশ শিশু একাডেমির সাথে আলোচনা করে পরবর্তীতে প্রয়োজনীয় ব্যবস্থা গ্রহণ করা হবে মর্মে সভাকে অবহিত করা হয়।</p>	(iii) শিশুশিক্ষা শাখার প্রয়োজনীয় জনবল, জনবলের বসার ব্যবস্থা ইত্যাদি বিষয়ে প্রশাসন অনুবিভাগ, শিশু অনুবিভাগ এবং বাংলাদেশ শিশু একাডেমির সাথে আলোচনা করে পরবর্তীতে প্রয়োজনীয় ব্যবস্থা গ্রহণ করা হবে।	(iii) প্রশাসন অনুবিভাগ ও শিশু অনুবিভাগ (মশিবিম), বাশিএ।
		<p>(iv) ১৫.৭ নং সিদ্ধান্তের আলোকে জানানো হয় যে, বিদ্যমান জনবল ব্যবহার করে বাংলাদেশ শিশু একাডেমিতে ECD Unit স্থাপন বিষয়ে একটি প্রস্তাবনা বাংলাদেশ শিশু একাডেমি থেকে মন্ত্রণালয়ে পাওয়া গিয়েছে।</p>	(iv) বাংলাদেশ শিশু একাডেমিতে স্থাপিত ECD Unit এর কার্যক্রম জোরদার করার সিদ্ধান্ত গৃহীত হয়।	(iv) শিশুশিক্ষা শাখা, মশিবিম
		<p>(v) ১৫.৮ নং সিদ্ধান্তের আলোকে মহিলা বিষয়ক অধিদপ্তর ও জাতীয় মহিলা সংস্থায় ইসিসিডি সমন্বয় কমিটি গঠনের বিষয়ে মহিলা বিষয়ক অধিদপ্তর ও জাতীয় মহিলা সংস্থাকে পুনরায় পত্র দেয়া যেতে পারে।</p>	(v) ইসিসিডি সমন্বয় কমিটি গঠনের বিষয়ে মহিলা বিষয়ক অধিদপ্তর ও জাতীয় মহিলা সংস্থাকে মন্ত্রণালয় থেকে পুনরায় পত্র দেয়া হবে।	(v) শিশুশিক্ষা শাখা, মশিবিম

স্বাক্ষর

ক্রমিক	আলোচ্যসূচি	আলোচনা	সিদ্ধান্ত	বাস্তবায়নকারী
		(vi) সিদ্ধান্ত নং ১৫.৯ এর আলোকে শিশুর প্রথম ১০০০ দিনকে ফোকাস করে শিশুর প্রারম্ভিক যত্ন ও বিকাশ শীর্ষক ১টি প্রকল্প প্রস্তাবনা বাংলাদেশ শিশু একাডেমি কর্তৃক প্রণয়নপূর্বক পরিকল্পনা কমিশনে প্রেরণ করা হলে প্রস্তাবিত প্রকল্পের উপর পরিকল্পনা কমিশনে অনুষ্ঠিত পিইসি সভায় "প্রকল্পটির জন্য সম্ভাব্যতা যাচাইপূর্বক সমগ্র দেশব্যাপী বাস্তবায়ন না করে উক্ত প্রতিবেদনের আলোকে পাইলট আকারে প্রকল্প বাস্তবায়ন করতে হবে" সিদ্ধান্ত গৃহীত হয় মর্মে সভাকে অবহিত করা হয়। সভায় এমর্মে আলোচনা হয় যে, ECCD একটি জনগুরুত্বপূর্ণ ব্যাপক বিষয়। সারা দেশের সকল জেলা/উপজেলায় এর কার্যক্রমের বিস্তৃতি প্রয়োজন। এক্ষেত্রে কর্মসূচির পরিবর্তে একটি দীর্ঘমেয়াদী বৃহৎ প্রকল্প প্রণয়নে সভায় মত প্রকাশ করা হয়।	(vi) সভায় আলোচনার প্রেক্ষিতে এবিষয়ে একটি পূর্ণাঙ্গ প্রকল্প প্রণয়ন পূর্বক পুনরায় পরিকল্পনা কমিশনে প্রেরণের সিদ্ধান্ত গৃহীত হয়।	(vi) উন্নয়ন ও পরিকল্পনা অনুবিভাগ, মশিবিম এবং মহাপরিচালক, বাংলাদেশ শিশু একাডেমি
৭.৩	জাতীয় মহিলা ও শিশু উন্নয়ন পরিষদ (NCWCD)-এর সভায় ইসিসিডি সংশ্লিষ্ট বিষয়াদি এজেন্ডাভুক্তকরণ।	জাতীয় মহিলা ও শিশু উন্নয়ন পরিষদ (NCWCD)-এর সভায় নিয়মিত ইসিসিডি সংশ্লিষ্ট বিষয়াদি এজেন্ডাভুক্ত করার প্রয়োজনীয় পদক্ষেপ গ্রহণের বিষয়টি সভায় আলোচিত হয়।	জাতীয় মহিলা ও শিশু উন্নয়ন পরিষদ (NCWCD)-এর পরবর্তী সভায় ইসিসিডি সংশ্লিষ্ট বিষয়াদি এজেন্ডাভুক্ত করার প্রয়োজনীয় পদক্ষেপ গ্রহণ করতে হবে।	শিশু অনুবিভাগ, মশিবিম
৭.৪	ইসিসিডি বিষয়ক Costed Action Plan প্রণয়ন।	ইসিসিডি সংশ্লিষ্ট মন্ত্রণালয়/বিভাগের প্রতিনিধিদের অংশগ্রহণে বাংলাদেশ শিশু একাডেমি কর্তৃক বাস্তবায়নধীন শিশুর বিকাশে প্রারম্ভিক শিক্ষা (৩য় পর্যায়) প্রকল্পের মাধ্যমে ইউনিসেফের আর্থিক ও কারিগরি সহায়তায় একটি Costed Action Plan দ্রুত প্রণয়নের কার্যক্রম গ্রহণের বিষয়ে সভায় আলোচনা হয়।	সংশ্লিষ্ট মন্ত্রণালয়/বিভাগের প্রতিনিধিদের সম্পৃক্ত করে একটি Costed Action Plan প্রণয়নের প্রয়োজনীয় ব্যবস্থা গ্রহণ করতে হবে।	মহাপরিচালক, বাংলাদেশ শিশু একাডেমি এবং প্রকল্পপরিচালক, ইএলসিডি (৩য় পর্যায়) প্রকল্প
৭.৫	ইসিসিডি বিষয়ে সামাজিক সচেতনতা বৃদ্ধিকরণ।	শিশুর প্রারম্ভিক বিকাশে সামাজিক সচেতনতা বৃদ্ধির লক্ষ্যে গণমাধ্যমকে সম্পৃক্তকরণসহ Good Parenting এবং ইসিসিডি'র প্রচার প্রচারণা বৃদ্ধির বিষয়ে সভায় আলোচনা হয়।	গণমাধ্যমকে ব্যবহার করে শিশুর প্রারম্ভিক যত্ন ও বিকাশ (ইসিসিডি) বিষয়ে সামাজিক সচেতনতা বৃদ্ধির লক্ষ্যে কর্মকৌশল প্রণয়নে তথ্য মন্ত্রণালয়ের সাথে একটি যৌথ সভা আস্থান করা যেতে পারে।	শিপ্রায় শাখা, মশিবিম, মহাপরিচালক, বাংলাদেশ শিশু একাডেমি এবং প্রকল্পপরিচালক, ইএলসিডি (৩য় পর্যায়) প্রকল্প
৭.৬	ইসিসিডি নীতি এবং করোনা মহামারির প্রভাব সংক্রান্ত গবেষণা/স্টাডি পরিচালনা	সমন্বিত ইসিসিডি নীতি বাস্তবায়নে প্রতিবন্ধকতা চিহ্নিত করাসহ উত্তরণের সম্ভাব্য উপায় জানার নিমিত্ত একটি Rapid Assessment এবং পরিবারে করোনার প্রভাব নিরূপণে স্টাডি পরিচালনার বিষয়ে সভায় আলোচনা হয়।	সমন্বিত ইসিসিডি নীতি বাস্তবায়নে প্রতিবন্ধকতা চিহ্নিত করণসহ উত্তরণের উপায় জানার নিমিত্ত Rapid Assessment এবং পরিবারে করোনার প্রভাব	শিপ্রায় শাখা, মশিবিম এবং মহাপরিচালক, বাংলাদেশ শিশু একাডেমি

			নিরূপণে স্টাডি পরিচালনার পদক্ষেপ গ্রহণ করা যেতে পারে।	
৭.৭	জাতীয় ইসিসিডি সমন্বয় কমিটির সভা আহ্বান।	জাতীয় ইসিসিডি সমন্বয় কমিটির সভা নিয়মিত আহ্বানের বিষয়ে সভায় আলোচনা হয়।	জাতীয় ইসিসিডি সমন্বয় কমিটির সভা নিয়মিত আয়োজনের ব্যবস্থা গ্রহণ করতে হবে।	শিপ্রায় শাখা, মশিবিম

০৮। সভায় আর কোন আলোচনা না থাকায় সভাপতি সকলকে ধন্যবাদ জানিয়ে সভার সমাপ্তি ঘোষণা করেন।

স্বাক্ষরিত/-

২৫/০১/২০২১

ফজিলাতুন নেসা ইন্দিরা এমপি

প্রতিমন্ত্রী

মহিলা ও শিশু বিষয়ক মন্ত্রণালয়, ঢাকা।

নং- ৩২.০০.০০০০.০৪১.২৯.০০৬.১৭- ০৬

তারিখ: ২৭/০১/২০২১


বিতরণ (জ্যেষ্ঠতার ক্রমানুসারে নয়):

১. সিনিয়র সচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা (দৃ:আ: জনাব মেহেদী মাসুদজ্জামান, উপসচিব, অর্থ বিভাগ, অর্থ মন্ত্রণালয়, বাংলাদেশ সচিবালয়, ঢাকা)।
২. সিনিয়র সচিব, জননিরাপত্তা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
৩. সিনিয়র সচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা (দৃ: আ: জনাব আবু মো: মহিউদ্দিন কাদেরী, যুগ্মসচিব, স্থানীয় সরকার বিভাগ, স্থানীয় সরকার, পল্লী উন্নয়ন ও সমবায় মন্ত্রণালয়, বাংলাদেশ সচিবালয়, ঢাকা)।
৪. সচিব, সুরক্ষা সেবা বিভাগ, স্বরাষ্ট্র মন্ত্রণালয়, বাংলাদেশ সচিবালয়, ঢাকা।
৫. সচিব, প্রাথমিক ও গণশিক্ষা মন্ত্রণালয়, বাংলাদেশ সচিবালয়, ঢাকা।
৬. সচিব, সংস্কৃতি বিষয়ক মন্ত্রণালয়, বাংলাদেশ সচিবালয়, ঢাকা।
৭. সচিব, তথ্য মন্ত্রণালয়, বাংলাদেশ সচিবালয়, ঢাকা (দৃ: আ: জনাব মোঃ আনহার আলী, যুগ্মসচিব, তথ্য মন্ত্রণালয়, বাংলাদেশ সচিবালয়, ঢাকা)।
৮. সচিব, স্বাস্থ্য সেবা বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা।
৯. সচিব, স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা (দৃ: আ: জনাব উম্মে কুলসুম, উপসচিব, স্বাস্থ্য শিক্ষা ও পরিবার কল্যাণ বিভাগ, স্বাস্থ্য ও পরিবার কল্যাণ মন্ত্রণালয়, বাংলাদেশ সচিবালয়, ঢাকা)।
১০. সচিব, শ্রম ও কর্মসংস্থান মন্ত্রণালয়, বাংলাদেশ সচিবালয়, ঢাকা।
১১. সচিব, সমাজকল্যাণ মন্ত্রণালয়, বাংলাদেশ সচিবালয়, ঢাকা (দৃ: আ: জনাব মোঃ এমরান খান, সহকারী পরিচালক, CSPB প্রকল্প, সমাজ সেবা অধিদপ্তর, আগাঁরগাও, ঢাকা)।
১২. সচিব, পাবর্ত্য চট্টগ্রাম বিষয়ক মন্ত্রণালয়, বাংলাদেশ সচিবালয়, ঢাকা (দৃ: আ: জনাব সত্যেন্দ্র কুমার সরকার, অতিরিক্ত সচিব, পাবর্ত্য চট্টগ্রাম বিষয়ক মন্ত্রণালয়, বাংলাদেশ সচিবালয়, ঢাকা)।
১৩. সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা (দৃ: আ: মোঃ আবুল কালাম আজাদ, সিনিয়র সহকারী সচিব, ধর্ম বিষয়ক মন্ত্রণালয়, বাংলাদেশ সচিবালয়, ঢাকা)।
১৪. সচিব, খাদ্য মন্ত্রণালয়, বাংলাদেশ সচিবালয়, ঢাকা (দৃ: আ: ড. সালমা মমতাজ, অতিরিক্ত সচিব, খাদ্য মন্ত্রণালয়, বাংলাদেশ সচিবালয়, ঢাকা)।

১৫. সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা (দৃ: আ: জনাব আনোয়ারুল হক, উপসচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা)।
১৬. সচিব, দুর্যোগ ব্যবস্থাপনা ও ত্রাণ মন্ত্রণালয়, বাংলাদেশ সচিবালয়, ঢাকা।
১৭. সচিব, যুব ও ক্রীড়া মন্ত্রণালয়, বাংলাদেশ সচিবালয়, ঢাকা।
১৮. সচিব, কারিগরি ও মাদরাসা শিক্ষা বিভাগ, বাংলাদেশ সচিবালয়, ঢাকা।
১৯. মহাপরিচালক (গ্রেড-১), মহিলা বিষয়ক অধিদপ্তর, ঢাকা (দৃ: আ: জনাব হাওলাদার মোঃ রকিবুল বারী, যুগ্মসচিব (পরিচালক), মহিলা বিষয়ক অধিদপ্তর, ঢাকা)।
২০. মহাপরিচালক, বাংলাদেশ শিশু একাডেমি, ঢাকা।
২১. অতিরিক্ত সচিব (প্রশাসন/উন্নয়ন, পরিকল্পনা ও পরিসংখ্যান), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
২২. নির্বাহী পরিচালক, জাতীয় মহিলা সংস্থা, ঢাকা।
২৩. যুগ্মসচিব (শিশু ও সমন্বয়/ উন্নয়ন-২/ পরিকল্পনা ও পরিসংখ্যান), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
২৪. যুগ্মসচিব, আর্থ-সামাজিক অবকাঠামো বিভাগ, পরিকল্পনা কমিশন, শের-ই-বাংলা নগর, ঢাকা।
২৫. প্রকল্প পরিচালক, এপিএস প্রকল্প, বাংলাদেশ শিশু একাডেমি, ঢাকা।
২৬. প্রকল্প পরিচালক, শিশুর বিকাশে প্রারম্ভিক শিক্ষা (৩য় পর্যায়) প্রকল্প, বাংলাদেশ শিশু একাডেমি, ঢাকা।
২৭. জনাব মোঃ তারিকুল ইসলাম চৌধুরী, ইাসডি স্পেশালিস্ট, বাংলাদেশ শিশু একাডেমি, ঢাকা।
২৮. উপসচিব (মবিঅ-২/পরিকল্পনা-১), মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
২৯. জনাব ইফফাত ফারহানা, শিক্ষা অফিসার, ইউনিসেফ, বাংলাদেশ, বিএসএল কমপ্লেক্স ভবন, ১, মিন্টু রোড, ঢাকা।
৩০. চেয়ারপারসন, বাংলাদেশ ইসিডি নেটওয়ার্ক, নিকেতন, গুলশান-১, ঢাকা।
৩১. জনসংযোগ কর্মকর্তা, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।

অনুলিপি অবগতির জন্য :

১. মাননীয় প্রতিমন্ত্রী মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
২. সিনিয়র সচিব মহোদয়ের একান্ত সচিব, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা।
৩. প্রোগ্রামার, মহিলা ও শিশু বিষয়ক মন্ত্রণালয়, বাংলাদেশ সচিবালয়, ঢাকা (ওয়েব সাইটে প্রকাশের অনুরোধসহ)।



২৭.০১.২০২১
(তানজিনা ইসলাম)

উপসচিব (শিশু ও সমন্বয়)

ফোন : ৯৫১২২০৮

E-mail: sasadm2@gmail.com